

Junker Heinrich von Kröv, Dingvogt der Herren von Echternach, einen Weingarten „off der hutten“ in Erbpacht empfangen haben und daß sie als Sicherheit ihren Weingarten an „Walprecht“ verpfänden.

1388, Januar 21.

Originalurkunde, Pergament, auf dem Staatsarchiv zu Koblenz, Abl. 231, 15 (A). — Abschrift in der HS. 29, 19, f. 262', auf dem Staatsarchiv zu Luxemburg (B). — Regest in der HS. 18, Abl. 15, S. 352, nr. 45, auf dem Historischen Institut daselbst.

Ein Siegelrest an doppeltem Pergamentstreifen. Vom zweiten Siegel der Einschnitt allein nachweisbar. — Ein Dorsualvermerk saec. 15¹: *Locatio vinee uff der hutten zu Kynhem. 1387.* — Etwas jünger: *Kynhem. Locatio vinee uff der hutten zu Kynheim.*

Ich, Fry^ederich, der alde clockener, und Gele, myn eliche hûysfrauwe, waneflig zû Kynheim, dîn kûnt allen lûden und bekennen vûr uns und unse erben, daz wir bestanden und intfangen hain eynen wingart, der gelegin ist *off der Hutten*, der halff galt umb daz drytte deyl wieder jûnchern Heynrich von Crove, dynckvoit der heren von Echternach, also daz wir ader unse erben den egen(anten) wyngarden y^e zû sieben jaren uz und zû male misten und dûngen sollen und bûwelichen halden myt alreley arbeyde dy^e zû eyne wyngarten gehorich ist ny^et uz genomen und zû den zyden as man eynen wing(art) bylche arbeyden sal. Des han wir zo underpande und anegryft gelacht und legen unsen wingart gelegen *an Walprecht*, also obe wir oder unse erben sûmich wurden und den egenanten wing(art) ny^et indungedin zû sieben jaren und nyt bûwelich inhylden as vurg(enant) steyt, so mogent dy^e heren von Echternach oder y^ere boden oder yr dinkvoit zû den zyden an den egen(nten) wingarten und underpant gryfen und tasten und do my^ede brechen und bûszen glicherwisz az myt anderem yrme eygem gûde, ane hyndernisz und widersprache Fry^ederichs und Gelen vurgenant oder y^ere erben oder y^emans anders in yren wegen, alle argelist uzgenomen.

Des zû urkunde und mere stedekeyt so hain wyr Fry^ederich und Gele, elûde vurge(nant), sementlich gebeden und bieden dy^e